

**Kalaallit Nunaanni pinerluttulerinermi inatsit malillugu  
pineqaatissiissutini il.il. nuussisarneq pillugu inatsiseqarnermut  
ministerip aalajangiinissamut pisinnaatitaanerata Pinerluttunik  
Isumaginnittut Pisortaqarfianut suliassiissutigineqarsinnaanera  
pillugu nalunaarut**

Inatsimmik allanngorneri ilanngullugit nalunaarutiginnermi nr. 1187-imi, 18. september 2023-imeersumi, § 255, imm. 1-imi oqaaseqatigiit aappaat malillugu, aamma oqartussaasumut appasinnerusumut suliassiisinnaaneq inatsisitigut aalajangersagaanngitsoq malillugu aalajangersarneqarpoq:

§ 1. § 255, imm. 1-imi oqaaseqatigiit aappaat aamma pingajuat, §§ 257 aamma 259 malillugit Inatsiseqarnermut ministerip aalajangiinissamut pisinnaatitaanera Pinerluttunik Isumaginnittut Pisortaqarfiannut suliassiissutigineqassaaq, taamaalilluni tulliuttut isumagineqarnissaat pisortaqarfiup isumagissavai:

1) Kalaallit Nunaanni pinerluttulerinermi inatsimmi § 255, imm. 1-imi oqaaseqatigiit aappaat malillugu, nakkutilliineq Danmarkimi suliarineqartussaq pineqartillugu, nakkutilliinerup nuunneqarnissaa pillugu aamma tassunga atatillugu piumasaqaatinik aalajangersaasoqarsimappat piumasaqaatit aalajangersakkat pillugit aalajangiisinnaaneq.

2) Kalaallit Nunaanni pinerluttulerinermi inatsimmi § 255, imm. 1-imi oqaaseqatigiit pingajuat malillugu, nakkutilliineq Danmarkimi

suliarineqartussaq pineqartillugu, nakkutilliinerup suliarineqarnissaanut aalajangersakkat erseqqinnerusut aalajangersassallugit.

3) Kalaallit Nunaanni pinerluttulerinermi inatsimmi § 257 malillugu, eqqartuunneqartoq tassani najugaqarpat imaluunniit allakkut tassani najugaqavissuuppat, inissiisarfimmi inissinneqarnissamik eqqartuussut naalagaaffiup ilaani tassani naammassineqarnissaa aalajangissallugu. Eqqartuunneqartoq naalagaaffiup ilaani tassaniissimappat, aamma naammassinninnerup tassaniinnissaa naleqqunnerpaatut isigineqarpat, tamanna aamma atuuppoq.

4) Kalaallit Nunaanni pinerluttulerinermi inatsimmi § 259 malillugu, eqqartuunneqartoq tassani najugaqarpat imaluunniit allakkut tassani najugaqavissuuppat, Kalaallit Nunaanni tigummigallagaanissamik eqqartuussut nalaagaaffiup ilaani allami tassani naammassineqassasoq aalajangissallugu. Eqqartuunneqartoq naalagaaffiup ilaani tassaniissimappat, aamma naammassinninnerup tassaniinnissaa naleqqunnerpaatut isigineqarpat, tamanna aamma atuuppoq.

§ 2. Nalunaarut ulloq 1. februar 2025 atuutilissaaq.

*Inatsiseqarnermut ministereqarfik, ulloq 20. januar 2025*

Peter Hummelgaard

/ Niels Dam Dengsøe Petersen